

Penentuan awal bulan Hijri berdasarkan Rukyah Hilal seperti yang ditunjukkan oleh Rasulullah *Sallallahu alaihi wasallam*.

Melihat hilal bagi menentukan tarikh awal Ramadhan, Syawal & Zulhijjah (10 Zulhijjah/ Hari Raya Aidiladha /Korban).

Proses mencerap hilal pada waktu petang hari ke-29 bagi memastikan hilal sudah wujud atau belum.

Menentukan taqwim bulan hijri dan taqwim solat

Hilal dalam bahasa arab bermaksud anak bulan.

Hilal berlaku pada peringkat fasa bulan yang paling nipis dan kurang bercahaya. Ia kelihatan selepas peringkat bulan mengalami fasa ijtimak yang disebut juga sebagai fasa bulan gelap atau "newmoon".

HUKUM ASAL MELIHAT HILAL

• Melihat Hilal

Permulaan awal puasa dan hari raya ialah apabila telah kelihatan hilal pada 29 Syaaban atau 29 Ramadhan.

• Perkhabaran kenampakan Hilal


Perkhabaran tentang kelihatan hilal yang dibawa oleh seseorang yang boleh dipercayai juga boleh di terima.

• Menggenapkan Bulan Sebelumnya 30 Hari

Apabila hilal tidak kelihatan pada hari yang ke 29 bulan tersebut, maka bulan tersebut digenapkan menjadi 30 hari.

• Berdasarkan Hisab Falak

Pendapat ini mengatakan bahawa penetapan awal puasa dan hari raya boleh dilakukan berpandukan hasil kiraan falak. Ia dikemukakan oleh sebahagian ahli-ahli ilmu mutaakhirin, berdasarkan perkembangan ilmu pengetahuan dan teknologi semasa.




KAEDAH PENENTUAN AWAL BULAN HIJRI

Bagi penentuan awal Ramadhan, Hari Raya Aidilfitri dan Hari Raya Aidiladha (10 Zulhijjah) dan bagi setiap bulan Hijri, negara Malaysia mengguna pakai kaedah Imkanur Rukyah (kebolehnampakkan hilal) dengan menggunakan kriteria-kriteria berikut:-

- I. Ketinggian hilal di waktu terbenam matahari tidak kurang dari 2 darjah.
serta
- II. Jarak lengkung antara pusat bulan dan pusat matahari di waktu terbenam matahari tidak kurang dari 3 darjah.
atau
- III. Umur bulan di waktu terbenamnya (iaitu bulan itu sendiri) tidak kurang dari 8 jam selepas berlakunya ijtimak.

Di Malaysia terdapat **29 stesen cerapan**. Tiga daripadanya terdapat di negeri Sarawak iaitu:-

1. Teluk Bandung Santubong, Kuching.
2. Tanjung Batu, Bintulu.
3. Luak Esplanade, Miri.



AMALAN KETIKA MELIHAT HILAL

Apabila melihat hilal, kita dituntut untuk memperbanyakkan tasbih, zikir dan tahmid serta memperbanyakkan doa sebagai tanda melihat kebesaran dan keagungan Allah *Subhanahuwataala* sebagai Pencipta yang mentadbir sekalian alam.

DOA MELIHAT HILAL

اللَّهُ أَكْبَرُ، اللَّهُمَّ أَهْلُهُ عَلَيْنَا بِالْأَمْنِ وَالْإِيمَانِ وَالسَّلَامَةِ

وَالْإِسْلَامِ وَالتَّوْفِيقِ لِمَا يُحِبُّ رَبَّنَا وَيَرْضَى، رَبَّنَا وَرَبُّكَ اللَّهُ

"Allah Maha Besar! Ya Allah! Jadikanlah bulan yang baharu terbit ini membawa kepada kami keamanan dan keimanan, membawa keselamatan dan keislaman dan juga membawa taufiq kepada perkara yang Dikau sukai dan redhai, Tuhanku dan Tuhanmu (wahai bulan) ialah Allah!"

(Riwayat Sunan Ad-Darimi, No. 1729)

DOA SETELAH KELIHATAN HILAL

اللَّهُمَّ أَهْلُهُ عَلَيْنَا بِالْأَمْنِ وَالْإِيمَانِ وَالسَّلَامَةِ وَالْإِسْلَامِ،

رَبِّي وَرَبُّكَ اللَّهُ

"Ya Allah! Yang telah menampakkan awal bulan kepada kami dengan aman dan iman, dengan selamat dan Islam, Tuhanku dan Tuhanmu adalah Allah .

(Hadis Riwayat At-Tirmizi r.a. , No. 3462)

DOA KEMUNCULAN BULAN MULIA


اللَّهُمَّ بَارِكْ لَنَا فِي رَجَبٍ وَشَعْبَانَ وَيَلْغُنَا رَمَضَانَ

"Ya Allah! Ya Tuhan kami! Limpahilah berkat kepada kami pada bulan Rejab dan Syaaban dan sampaikanlah kami (dengan selamatnya) ke bulan Ramadan."

(Kitab Al-Azkar Al-Imam An-Nawawi, No. 980)

IJTIMAK DAN PROSES PEMBENTUKAN HILAL

Ketika ijtimak



Selepas ijtimak



رُكُيَةُ الْهِلَالِ

Rukyah Hilal (Anak Bulan)



TERBITAN:



DENGAN KERJASAMA:

